



VISCHNAUNCA DA SCHLUEIN

Lescha da taglia

Approbada entras la radunonza communal dils 2 da fenadur 2008

Entrada en vigur: 01-01-2009

Cuntegn lescha da taglia

			Pagina
		Disposiziuns generalas	5
art.	1	Object	5
	2	Dretg subsidiar	5
		Dretg material	5
		TAGLIAS SILLAS ENTRADAS E SIN FACULTAD	5
	3	Pei da taglia	5
		TAGLIA SIN MIDADA DA MAUN	6
	4	Tariffa da taglia	6
		TAGLIA SIN SCHISCHOM	6
	5	Tariffa da taglia	6
		TAGLIA SIN IERTA E SIN DONAZIUNS	6
	6	Object e fixaziun	6
	7	Subject da taglia	6
	8	Liberaziun subjectiva dalla taglia	6
	9	Tariffa da taglia	6
	10	Incasso e responsablada	7
		TAGLIA DA TGAUNS	7
	11	Object da taglia	7
	12	Subject da taglia	7
	13	Liberaziun dalla taglia	7
	14	Calculaziun dalla taglia	7
		Dretg formal	7
		AUTORITADS	7
	15	Suprastonza communal	7
	16	Uffeci communal da taglia	8
	17	Ulteriuras autoritads	8
		INCASSO	8

18	Scadenza	8
19	Termin da pagament	9
20	Relaschadas da taglia	9
	INDEMNISAZIUN	9
21	Indemnisaziun	9
	Disposiziuns finalas	10
22	Entrada en vigur	10

LESCHA DA TAGLIA

Sin fundament dalla lescha davart las taglias communalas e davart las taglias da baselgia dil cantun Grischun, relai la vischnaunca da Schluein la suandonta lescha:

Disposiziuns generalas

art. 1

Object ¹ La vischnaunca da Schluein incassescha las suandontas taglias tenor las disposiziuns dil dretg cantunal:

- a) ina taglia sillas entradas e sin facultad;
- b) ina taglia sin gudogn da schischom;
- c) ina taglia supplementara e penala sco era castitgs disciplinars;
- d) ina taglia sin midadas da maun;
- e) ina taglia sin schischom;
- f) ina taglia sin ierta e sin donaziuns.

² La vischnaunca da Schluein incassescha las suandontas taglias tenor questa lescha:

- a) ina taglia da tgauns.

³ Plinavon incassescha la vischnaunca da Schluein las suandontas taglias tenor legislaziun speciala:

- a) ina taxa per hosps;
- b) ina taxa da turissem.

art. 2

Dretg subsidiar Schilunsch che questa lescha cuntegn neginas reglamentaziuns, vegnan las disposiziuns dalla lescha davart las taglias communalas e davart las taglias da baselgia sco era dalla lescha cantunala da taglia applicadas conform al senn.

Dretg material

Taglias sillas entradas e sin facultad

art. 3

Pei da taglia ¹ Las taglias sillas entradas e sin facultad vegnan incassadas en ina procentuala dalla taglia cantunala sempla.

² La radunonza communal fixescha il pli tard il december il pei da taglia pigl onn fiscal suandont.

Taglia sin midada da maun

art. 4

Tariffa da taglia La tariffa dalla taglia sin midada da maun ei 2 pertschien.

Taglia sin schischom

art. 5

Tariffa da taglia ¹ La taglia sin schischom ei maximal 2 promils dalla valeta da taglia.

² La radunonza communal fixescha il pli tard il december il pei da taglia pigl onn fiscal suandont.

Taglia sin ierta e sin donaziuns

art. 6

Object e
fixaziun (aboliu)

art. 7

Subject da taglia (aboliu)

art. 8

Liberaziun subjectiva (aboliu)

art. 9

Tariffa da taglia (aboliu alinea 1 - 4)

⁵ La taglia sin ierta e sin donaziuns importa:

- a) per il tschep dils geniturs 5 pertschien;
- b) (aboliu)
- c) (aboliu)
- d) (aboliu)
- e) per ulteriuras persunas favorisadas 15 pertschien.

art. 10

Incasso e
responsabilidadad (aboliu)

Taglia da tgauns

art. 11

Object da taglia Per mintga tgaun ch'ei sur treis meins vegls e che vegn tenius sin territori da vischnaunca, sto vegnir pagau ina taglia.

art. 12

Subject da taglia Obligaus da pagar taglia ei il possessur dil tgaun il qual ei era obligaus d'annunziar ses animals enteifer 30 gis.

art. 13

Liberaziun dalla
taglia Liberai dalla taglia da tgauns ein:

- a) Tgauns da polizia;
- b) Tgauns da lavinas;
- c) Tgauns da tschocs e da suords.

art. 14

Calculaziun dalla
taglia ¹ Pigl emprem tgaun munta la taglia frs. 100.00 ad onn, per mintga ulteriur che vegn tenius el medem tenercasa frs. 150.00 ad onn. La suprastonza communal sa adattar quellas tariffas alla carischia.

² Vegn il tgaun buca tenius igl entir onn sin territori da vischnaunca, sto la taglia vegnir pagada mo pro rata, denton per sil-meins treis meins.

³ La taglia sto vegnir pagada mintg'onnn.

Dretg formal

Autoritads

art. 15

Suprastonza
communal La suprastonza communal decida:

- a) davart damondas da levgiament fiscal;
- b) davart la participaziun a cunvegrientschas da dretg reciproc dil cantun en fatgs da taglia sin l'ierta e sin donaziuns.

art. 16

Uffeci communal
da taglia

¹ L'execuziun da questa lescha ei caussa digl uffeci communal da taglia, aschinavon che la vischnaunca ei cumpetenta per quei.

² Igl uffeci communal da taglia ei ultra da quei cumpetents per l'execuziun dallas incumbensas che la lescha cantunala da taglia ha surdau allas vischnauncas.

³ La vischnaunca sa delegar sias incumbensas tenor ils alineas 1 e 2 a tiarzas personas.

art. 17

Ulteriuras autoritads

¹ La taglia sillas entradas e sin facultad sco era la taglia sin schischom vegnan taxadas tras l'Alleanza da taglia Laax-Falera-Sagogn-Schluein.

² La vischnaunca da Schluein sa delegar a l'Alleanza da taglia Laax-Falera-Sagogn-Schluein la taxaziun d'ulteriuras taglias, e quei encunter ina indemnizaziun.

Incasso

art. 18

Scadenza

¹ Las taglias sillas entradas e silla facultad ston vegnir pagadas cun la consegna dil quen da taglia provisoric ni dalla decisiun da taxaziun.

² La scadenza dalla taglia sin schischom sedrezza tenor las taglias directas, sch'ella vegn incassada ensemen cun quellas.

³ La scadenza dalla taglia sil gudogn tras la vendita da beins immobigliars sco era dalla taglia sin l'ierta e sin donaziuns sedrezza tenor il dretg cantunal.

⁴ Las ulteriuras taglias sco era las multas disciplinaras scadan culla facturaziun.

⁵ Culla finiziun dall'obligaziun da pagar taglia en Svizra ni a caschun dalla declaraziun da concuors scada mintga taglia

ni multa immediat.

art. 19

Termin da pagament ¹ Las taglias e las multas disciplinaras ston vegnir pagadas cun resalva dad alinea 2 enteifer 90 gis dapi che la scadenza ha entschiet.

² Il termin da scadenza dalla taglia sil gudogn tras la vendita da beins immobigliars sco era dalla taglia sin l'ierta e sin donaziuns sedrezza tenor il dretg cantunal.

³ La taglia sin schischom che vegn incassada separadamein sto vegnir pagada enteifer 30 gis dapi che la scadenza ha entschiet.

^{3tochen} Il termin da pagament dallas taglias tenor la legislaziun speciala art. 1 al. 3 da questa lescha sedrezza tenor questa legislaziun speciala.

⁴ Per pagar la taglia sin gudogn e sin facultad sco era silla taglia sin schischom che vegn incassada cun quellas sa la suprastanza preveder il pagament en duas ratas egl onn che suonda igl onn fiscal.

⁵ Culla finiziun dall'obligaziun da pagar taglia en Svizra ni a caschun dalla declaraziun da concuors sto mintga taglia e mintga multa vegnir pagada immediat.

art. 20

Relaschadas
da taglia

Davart las damondas da relasch e davart las amortisaziuns administrativas decidan:

- a) igl uffeci communal da taglia tochen agl import da frs. 1'000.00 ad onn e cass;
- b) la suprastanza communal per ils imports che survargan quella summa.

Indemnisaziun

art. 21

Indemnisaziun

La vischnaunca da Schluein vegn indemnisada dallas baselgias cantunales e dallas pleivs cun 2 pertschien dallas taglias ch'ei vegnidas incassadas.

Disposiziuns finalas

art. 22

Entrada en vigur

¹ Questa lescha ha la radunonza communal approbau ils 2-7-2008. Ella entra en vigur igl 1-1-2009.

² Cull'entrada en vigur da questa lescha ein abrogadas tuttas disposiziuns d'auters relaschs che stattan en cuntradicziun cun ella.

Il president communal:

Il scarvon communal:

Adrian Maissen

Daniel Walder

Approbau dalla regenza tenor conclus dils 28-10-2008 nr. 1428

En num dalla Regenza:

il cancellier:

Stefan Engler

dr. Claudio Riesen

La cumplettaziun digl artechel 7c) ei vegnida approbada dalla radunonza communal dils 11 da december 2013 e va en vigur pigl 1 da schaner 2014.

Il president communal:

Il scarvon communal:

Bruno Wellinger

Augustin Beeli

Approbau dalla regenza tenor conclus dils 13-05-2014 nr. 494

En num dalla Regenza:

il cancellier:

Mario Cavigelli

dr. Claudio Riesen

La midadas dils artechels 14, alinea 3 e 17, alineas 1 e 2 ein vegnidas approbadas dalla radunonza communal dils 27 da mars 2015 e van en vigur retroactiv pigl 1 da schaner 2015.

Il president communal:

Il scarvon communal:

Bruno Wellinger

Augustin Beeli

Approbau dalla regenza tenor conclus dils 15-12-2015 nr. 1076

En num dalla Regenza:

il cancellier:

Martin Jäger

dr. Claudio Riesen

Las midadas digl artechel 1 alinea 3 lit. b, artechel 6 tochen 10, artechel 17, artechel 18 alinea 1 e 3, artechel 19 alinea 2 e 3tochen ein vegnidas approbadas dalla radunonza communal dils 14 d'avrel 2025. Ellas entran en vigur pigl 1. da matg 2025.

Il president communal:

Il scarvon communal:

Dr. Ralf C. Schlaepfer

Marco Tschuor

Approbau dalla regenza tenor conclus dils

En num dalla Regenza:

il cancellier:

Marcus Caduff

Daniel Spadin